

"Tende canto di Trupialen"

WEL ata nos atrobe. Despues di un vakantie bon mereci, e muchanan a cuminsa atrobe cu nan lesnan di canto na september.

A cuminsa train duro pa nan presentacion dia 21 di october den stadion hunto cu Frerenan pa bishita di La Reina y Prins den stadion.

Fiesta di Santa Cecilia a wordo celebra cu un misa mainta y anochi un filmavond cu treat. Poco poco fiesta di Pasco ta asercando. Mescos cu aña pasa

Frerenan y de Trupialen lo canta misa di anochi. E muchanan a canta misa di 4'or di marduga. Balente no????

Y riba 26 di december a canta na Santa Cruz, n'e inauguracion di e club nobo di Sint Jozef Bond (e actual Club Estrella).

Y asina tambe despues di vakantie di fin di aña na januari a cuminsa cu trainingnan pa Misa y Lof.

Tambe a celebra dia 13 di januari e tercer aña di existencia di De Trupialen. E muchanan a

wak pelicula y a haya un treat y diasabra nan a bay laman den bus. Diadomingo 24 di februari e muchanan a canta Caminda di Cruz pa mucha. 25 Di maart nan a canta mainta e misa Solem di Pasco Grandi y anochi 7or nan a canta Lof.

Y despues di esey nan a cuminsa train duro pa nan presentacion di teater na mei, esta, "Tiunfo di un piscado".

Keda pendiente pa esaki, den nos proximo: Tende canto di Trupialen"

